



Persiapan empat hari

IRFAN Faruqi (kiri) bersama wakil kumpulan johan marhaban dari USIM Mahfuzah Mohd Radzi menunjukkan hadiah yang dimenangi.

Juara pidato tekad beri terbaik pada pertandingan akan datang

Oleh Nadzreen Shah Mat Salim
am@hmetro.com.my
Kuala Lumpur

“Saya tidak berten-ti mencuba dan memberi yang terbaik untuk pertandingan akan datang,” kata Maha-siswa Universiti Sains Islam Malaysia (USIM), Irfan Faruqi Mohamad Fairus, 20, pemenang tempat pertama

bagi Pertandingan Pidato Pusat Pungutan Zakat Majlis Agama Islam Wilayah Persekutuan (PPZ - MAIWP) di Universiti Pertahanan Nasional Malaysia (UPNM), di sini, semalam.

Menurutnya, dia tidak menjangka muncul juara pertandingan tersebut dan menyifatkan kemenangan itu sebagai suntikan semangat dan motivasi kepadanya untuk terus cemerlang pada pertandingan pidato pada masa akan datang.

“Ini pertandingan pidato pertama yang saya sertai dan mesej pidato yang disampaikan kepada umum adalah berdasarkan fakta yang tepat dan tidak bercanggah.

“Saya melakukan persiapan selama empat hari sebelum pertandingan dan kejayaan ini atas dorongan keluarga dan rakan,” katanya ketika ditemui semalam.

Timbalan Ketua Pegawai Eksekutif PPZ-MAIWP, Abdul Hakim Amir Osman, berkata pertandingan pidato julung kali diadakan sempena sambutan Jubli Perak 25 tahun PPZ-MAIWP itu platform melahirkan mahasiswa terkehadapan dalam melontarkan idea yang bernas terhadap pendedahan dakwah mengenai zakat.

FAKTA
Pertandingan pidato julung kali sempena sambutan Jubli Perak 25 tahun PPZ-MAIWP

“Peranan golongan belia penting dalam membantu menyebarkan perihal mengenai zakat dengan memberikan pendedahan dan pendidikan umum mengenai saling kaitan zakat dan ekonomi um-mah.

“Saya berharap pertandingan pidato seperti ini di-jadikan sebagai acara tahunan supaya pendedahan mengenai zakat dapat diperluaskan dalam kalangan mahasiswa di seluruh negara,” katanya. Sebanyak lima tema di-ketengahkan bagi pertandi-ngan pidato itu iaitu, Zakat

Memperkasa Ekonomi Um-mah, Zakat Menyatukan Muzakki dan Asnaf, Zakat Benteng Ekonomi Ummah, Memugar Institusi Zakat Tanggungjawab Bersama dan Peranan Belia Melestari Institusi Zakat.

Antara universiti yang menyertai adalah Universiti Islam Antarabangsa Malay-sia (UIAM), Institut Pro-fessional Baitulmal (IPB), Universiti Tun Abdul Razak (UNITAR), Universiti Malaya (UM), Universiti Sains Islam Malaysia (USIM), Universiti Pertahanan Nasional Malay-sia (UPNM), Universiti Tek-nologi Malaysia (UTM) dan Universiti Putra Malaysia (UPM).